



Broj: 01/1-02-2416/18
Ilijaš, 30.10.2018. godine

Z A P I S N I K

sa 24. (dvadesetčetvrte) sjednice Općinskog vijeća Ilijaš, održane dana 30.10.2018. godine, sa početkom u 10:00h.

Dvadesetčetvrtom sjednicom Općinskog vijeća Ilijaš predsjedavao je zamjenik predsjedavajućeg g-din Alen Hasković.

Prisutni vijećnici:

RB.	IME I PREZIME
	SDA
1	MAHIR DEVIĆ
2	ANEL BUMBULOVIĆ
3	-
4	ALMA OMEROVIĆ
5	MEHMED SINANOVIĆ
6	ADEM ALIĆ
7	FAHIR HASANOVIĆ
8	MIRZA BEKTIĆ
9	SEMIR DEDIĆ
10	HALID DIZDAREVIĆ
11	RASIM ŠEHIĆ
12	-
13	ALEN HASKOVIĆ
14	SEAD ŠEHIĆ
	SDP
15	ALAN ŠERAK
16	-
17	MIRSAD OSMANOVIĆ
	SBB-FAHRUDIN RADONČIĆ
18	AKIF BEŠLIJA
	BPS-SEFER HALILOVIĆ
19	MUHAMED HANDŽIĆ
20	ALMIR ŠPIODIĆ
	GS
21	EDHEM HASANOVIĆ
22	ASIM MUJIĆ
	SAMOSTALNI VIJEĆNIK
23	-
	LDS
24	MEHO DŽINDO
	SAMOSTALNI VIJEĆNIK
25	BESIM GLJIVA

Odsutni vijećnici:

1. Muamer Dervišević
2. Melisa Matoruga
3. Damir Filipović i
4. Semir Dizdarević

Prisutni gosti:

1. TV Vogošća
2. Radio Ilijaš-Aida Muratović
3. Mehmed Smajlović – predsjednika savjeta MZ Mrakovo
4. Alen Matoruga – predsjednik savjeta MZ Misoča
5. Meho Tabaković – predsjednik Savjeta MZ Ljubina
6. Mirsad Hamzić – predsjednik Savjeta MZ Malešići
7. Elmin Brkić – predsjednik Savjeta MZ Luka
8. Samra Ramić – predstavnik OSCE-a
9. Belma Zukić – direktorica JKP "Vodostan" d.o.o. Ilijaš
10. Volonteri: Čelik Samra, Hasanović Muamera, Fazlić Ehlimana i Bajrić Irnela
11. OSCE – Samra Ramić

Ostali prisutni:

1. Akif Fazlić – općinski načelnik
2. Meliha Avdibegović – pomoćnik načelnika
3. Sadeta Brkić – pomoćnik načelnika
4. Nijaz Spahić – pomoćnik načelnika
5. Zdravko Barić – pomoćnik načelnika
6. Aziz Fazlić – pomoćnik načelnika
7. Merima Osmanović – pomoćnik načelnika
8. Ilda Kahriman – sekretar OV-a Ilijaš
9. Nermina Lemezan - stručni saradnik za informacije
10. Mersa Zeković – šef odsjeka za prostorno planiranje i zaštitu okoliša
11. Đenan Suša – IT administrator
12. Maida Habibović – zapisničar.

ALEN HASKOVIĆ – zamjenik predsjedavajućeg

Prije otvaranja sjednice, izvjestio je OV-e da je vijećnik Armin Matoruga podnio ostavku, a da je novoizabrani vijećnik Mirza Bektić.

Zatim je vijećnik Mirza Bektić položio svečanu zakletvu.

Zamjenik predsjedavajućeg Alen Hasković je otvorio sjednicu i konstatovao da je prisutan 21 vijećnik, te dao na razmatranje zapisnik sa 23. sjednice OV-a.

Primjedbi na zapisnik nije bilo, pa je Općinsko vijeće jednoglasno usvojilo zapisnik sa 23. sjednice OV-a Ilijaš.

Pročitao je predloženi dnevni red i dao na razmatranje.

Primjedbi i prijedloga na predloženi dnevni red nije bilo, pa je OV-e jednoglasno usvojilo slijedeći

DNEVNI RED

1. Vijećnička pitanja i inicijative
2. Izvještaj o realizaciji zaključaka sa 23. sjednice
3. Prijedlog Odluke o izmjeni i dopuni Statuta Općine Ilijaš – Prečišćeni tekst
4. Prijedlog Odluke o izmjeni Odluke o utvrđivanju cijene komunalne usluge – tržno – pijačnih usluga
5. Prijedlog Odluke o načinu i uslovima prodaje neizgrađenog građevinskog zemljišta (k.č.br.1400/18)
6. Prijedlog Rješenja iz imovinsko-pravne oblasti broj:06/1-31-2642/18
7. Nacrt Odluka o:
 - a) usvajanju izmjena i dopuna Regulacionog plana "Banovac"
 - b) provođenju izmjena i dopuna Regulacionog plana "Banovac"
8. Informacija o uspjehu učenika osnovnih i srednjih škola u učenju i odgoju u školskoj 2017/2018. godini.

AD-1

Vijećnička pitanja i inicijative

HALID DIZDAREVIĆ – vijećnik SDA

Predlažem dvije inicijative o kojima želim da se OV-e izjasni u vidu zaključka.

Zaključak br.1

Općinsko vijeće Ilijaš traži da se ugovoreni prevoz učenika na svim relacijama na području Općine Ilijaš odvija po planiranom i ugovorenom prevozu u tačno određeno vrijeme i za tačno određene lokacije, obzirom da Općinsko vijeće Ilijaš raspolaže informacijom da se dosadašnji ugovoreni prevoz ne odvija na svim relacijama u tačno određeno vrijeme, te da pojedine linije prevoznik izostavlja, što je do sada bio slučaj sa ugovorenom linijom za Misoču.

Zaključak br.2.

Općinsko vijeće Ilijaš traži od izvođača radova koji vrši održavanje i nasipanje puteva na području Općine Ilijaš da već poduzme potrebne radnje kako bi se moglo na vrijeme djelovati kada je u pitanju zimsko održavanje puteva na cijelom području općine Ilijaš, te da postupi po važećem Pravilniku o održavanju puteva.

Inicijativa:

1. Pokrećem inicijativu prema izvođaču radova koji vrši sanaciju klizišta u Solakovićima firmi TB Inžinjering, da ubrzaju navedenu sanaciju, jer je ugrožena putna komunikacija.

ALMIR ŠPIODIĆ – vijećnik BPS-Sefer Halilović

Prije nego postavim pitanja i pokrenem jednu inicijativu, osvrnut ću se na odgovor na pitanje koje sam postavio na prošloj sjednici OV-a. Sudeći po ovom odgovoru menadžmenta JU KSC i Radio Ilijaš ni ove godine neće biti instalirana ledena ploha za

klizanje u Ilijašu. Zaključkom OV-a JU KSC i Radio Ilijaš zadužena je da u zimskom periodu organizuje ledenu plohu za klizanje kako bi se unaprijedio društveni i sportski sadržaj u zimskom periodu u našem gradu. Da pojasnim, za 19.sjednici OV-a većinom glasova usvojen je "šarolik" Izvještaj JU KSC i Radio Ilijaš za 2017. godinu i takođe na istoj sjednici usvojen je Plan rada JU KSC i Radio Ilijaš za 2018. godinu. Zaključkom OV-a zadužuje se menadžment Javne ustanove "Kulturno-sportski centar i Radio Ilijaš" Ilijaš da u zimskom periodu obezbijedi postavljanje ledene plohe u gradu Ilijašu. Međutim, za taj godišnji plan rada ove javne ustanove isplate se sredstva iz Budžeta Općine Ilijaš u visini od 270.000,00 KM iz tekućeg transfera, plus dodatnih 35.000,00 KM kao kapitalni transfer. Pored ovih preko 300.000,00 KM koliko će se i ove godine dati iz Budžeta menadžmentu JU KSC i Radio Ilijaš, nisu u stanju da realizuju jedan Zaključak OV-a, nisu sposobni da organizuju ledenu plohu za klizanje za naše građane i našu djecu, nisu u stanju da nas ispoštuju bar toliko, već traže da se Budžetom općine planiraju dodatna sredstva, ni manje ni više, nego 50.000,00 KM iako oprema za postavljanje ledene plohe košta 38.600,00 KM. Nije problem da općina učestvuje u sufinansiranju ovog projekta, nego je problem kako ljudi traže puno više nego što to košta. Mislim da je velika sramota ovako "bahato" ponašanje menadžmenta JU KSC i Radio Ilijaš.

Pitanja:

1. Imam pitanje koje se odnosi na JU DZ KS. Koliko dana sedmično radi oftamolog u Domu zdravlja Ilijaš?

Obratila mi se grupa građana i roditelja čija djeca imaju problema sa vidom i imaju stalnu potrebu za medicinskim pregledom i tretmanom, odnosno doktorom oftamologom. Zamolili su me da postavim ovo pitanje, jer vrlo često kada dođu ili dovedu svoje dijete oftamologu, njega nema na radnom mjestu ili ako ga ima ne prima pacijente tu u Domu zdravlja Ilijaš, već ih naručuje da dolaze u Vrazovo. Ako imaju već određeni dani kada dolazi doktor oftamolog u DZ Ilijaš, zašto onda naručuje pacijente da dolaze na pregled u Vrazovo? Nisu svi ljudi u mogućnosti da svoju djecu vodu po Sarajevu, jer to u ovim uslovima košta puno novca i vremena.

2. Zašto se odbija zahtjev da se namiri šteta čovjeku, demobilisanom borcu kojem je od prirodne nesreće udara groma u stado ovaca pričinjena materijalna šteta uginućem četiri ovce?

Radi se o čovjeku iz Malešića gdje mu je grom 27.07.2018. godine usmrtio četiri ovce u stadu, što je također konstatovala i veterinarska stanica "DI-VET" da su na licu mjesta od udara groma nastradale četiri ovce. U zahtjevu prema općini i Službi civilne zaštite da mu se namiri nastala šteta, odgovoreno mu je da u Službi za privredu i finansije nisu predviđena sredstva za tu namjenu. Nepravедno je od strane općine da se ovako ophodi prema pojedincima, pogotovo kada imamo budžet općine preko 18 miliona KM, kada postoje za razna udruženja, organizacije, podsticaje, brigu o napuštenim životinjama, pa i finansiranje javnih ustanova itd. Mislim da bi morala postojati i sredstva da se pomogne običnom čovjeku koji živi od poštenog rada.

Zašto Komisija za procjenu štete od prirodnih i drugih nesreća nije i ovaj slučaj tretirala kao prirodnu nesreću kada je radila procjenu štete u Misoči koja je nastala 06.08.2018. godine.

Inicijativa:

Pokrećem inicijativu da se hitno riješi sanacija puta na Vratuši. Radi se o putu koji povezuje preko 150 domaćinstava sa putem Podlugovi-Mrakovo, kod kontejnera na Vratuši. Pomenuti put je gotovo pa neprohodan od udarnih rupa i ulegneća koja su nastala prilikom izvođenja radova BH Telekomu i velikih padavina tokom proljeća ove godine. Na moju inicijativu na jednoj od prethodnih sjednica Vijeća na teren su izlazili stručnjaci iz službe za puteve i sačinili predmjer i predračun radova kako bi se izvršila sanacija tog puta u dužini od oko 400 m. Međutim, sanacija nikad nije izvršena.

Molim nadležnu općinsku službu i načelnika da poduzmu sve mjere kako bi se ovaj put do zime sanirao.

AKIF BEŠLIJA – vijećnik SBB-a

Inicijative:

1. Pokrećem inicijativu da na putnu kamunikaciju Ljubina-Korita, tačnije Povoča, izađe nadležna općinska služba i utvrdi činjenično stanje koje se odnosi na uništavanje postojećeg asfaltnog puta i odlaganje smeća.

Obrazloženje: Radi se o tome da se vrši sječa i izvoz ogrjevnog drveta od strane trećih lica, te tom prilikom dolazi do oštećivanja postojećeg asfalta, začepljenja postojećih kanala, urušavanja korita rijeke Povoča koja za vrijeme obilnijih padavina predstavlja veliki problem u izlivanju i plavljenju kuća u Ljubini i ostavljanja smeća. Molim nadležnu općinsku službu da izađe na teren, utvrdi činjenično stanje, te poduzme odgovarajuće mjere.

2. Pokrećem inicijativu prema Kolegiju OV-a da se sjednice OV-a Ilijaš ubuduće ne održavaju četvrtkom kao u dosadašnjem periodu, već neki drugi dan u sedmici.

Obrazloženje: S obzirom da ste svi upoznati da se pred Sudom BiH vodi postupak protiv naših boraca kojima se na teret stavlja zločin u selu Čemerno, a da je ročište svakog četvrtka u 09:00 h, kroz ovu inicijativu želim da se omogući i vijećnicima da pomenuti postupak prate i daju podršku našim borcima.

Predlažem da ovakav vid inicijative bude zaključak OV-a Ilijaš.

MAHIR DEVIĆ – predsjedavajući

Predlažem da ovu inicijativu proslijedite prema Kolegiju OV-a, što je vijećnik Akif Bešlija i prihvatio.

ADEM ALIĆ – vijećnik SDA

Pitanja:

1. Zašto se tako dugo odugovlači rješavanje površinskih/atmosferskih voda u dijelu naselja Mrakovo?

Obrazloženje: Veliki broj građana koji je ugrožen navedenom elementarnom nepogodom postavlja gore navedeno pitanje, jer do sada nije ništa operativno urađeno. Puno je vremena utrošeno na to ko? Kako? i kada? problem riješiti? Veliki naponi su od strane organa MZ Mrakovo uloženi iz imovinsko-pravne naravi, da se dobiju saglasnosti građana

kroz čije parcele prolazi trasa za odvodnju površinskih tj. atmosferskih voda. Krajnje je vrijeme, jer nadolazeće vremenske prilike donose ogromne padavine i time se ugrožavaju ljudski životi i njihova materijalna dobra.

2. Zašto se od strane nadležnog općinskog organa i Direkcije za puteve KS odugovlači problem rješavanja horizontalne i vertikalne signalizacije na putu Ilijaš-Popovići?

Obrazloženje: Smatramo da je što prije i neophodno otpočeti sa rješavanjem horizontalne i vertikalne signalizacije na gore navedenom putu, jer postoje sve pretpostavke za realizacijom isti. Više puta, a najsvježiji događaj se desio 25.10.2018. godie je N.N osoba velikom brzinom divljala na dionici puta od granice MZ sa južne strane do oštre krivine u naselju Mrakovo. Raniji prekršaji slične i druge naravi registrovani su u MUP KS PS Ilijaš.

ALAN ŠERAK – vijećnik SDP-a

Pitanja:

1. Po čijem nalogu je Civilna zaštita Općine Ilijaš postavljala tzv. ramove za plakate SDA na stubove ulične rasvjete u Ilijašu?
Svjedoci smo da su se u protekloj izbornoj kampanji protuzakonito koristila sredstva Općine Ilijaš u smislu stavljanja u funkciju javnih dobara u korist političkog subjekta SDA.
2. Kako i na koji način su direktori OŠ "Stari Ilijaš", Podlugovi i Srednje dozvolili političkom subjektu SDA održavanje predizbornih skupova u prostorijama navedenih obrazovnih ustanova?
3. Po kojem kriteriju je Općinska izborna komisija Ilijaš vršila popunu članova Biračkih odbora ispred Općine Ilijaš imajući u vidu da je većinu članova Biračkih odbora imenovala iz reda jednog političkog subjekta, jer su navedeni članovi nama poznati kao aktivisti SDA?

ALEN HASKOVIĆ – zamjenik predsjedavajućeg

Dao je na glasanje predložene zaključke.

OV-e je jednoglasno usvojilo

ZAKLJUČAK BR.1

Općinsko vijeće Ilijaš traži da se ugovoreni prevoz učenika na svim relacijama na području Općine Ilijaš odvija po planiranom i ugovorenom prevozu u tačno određeno vrijeme i za tačno određene lokacije, obzirom da Općinsko vijeće Ilijaš raspolaže informacijom da se dosadašnji ugovoreni prevoz ne odvija na svim relacijama u tačno određeno vrijeme, te da pojedine linije prevoznik izostavlja, što je do sada bio slučaj sa ugovorenom linijom za Misoču.

ZAKLJUČAK BR.2

Općinsko vijeće Ilijaš traži od izvođača radova koji vrši održavanje i nasipanje puteva na području Općine Ilijaš da već poduzme potrebne radnje kako bi se moglo na vrijeme

djelovati kada je u pitanju zimsko održavanje puteva na cijelom području općine Ilijaš, te da postupi po važećem Pravilniku o održavanju puteva.

ALAN ŠERAK – vijećnik SDP-a

SDP-e je podržao oba zaključka koje je predložio vijećnik Halid Dizdarević, s tim što smatram da mi kao Vijeće se ne bi trebali oglašavati po tom pitanju u vidu zaključka ili bilo čega drugog, jer koliko znam, postoje ugovorne obaveze koje je općina Ilijaš zaključila sa izvođačima radova, tako da izvršni organ, tj. općinski načelnik može u skladu da ugovorom da djeluje i bez Vijeća i to bi trebao da radi u budućnosti. Ako navedeni subjekti, koji su dobili posao putem javnog poziva, sa općinom Ilijaš su zaključili ugovor koji treba da realizuju, a ako nisu realizovali obaveze iz ugovora, zna se šta je procedura. Ako neko ne realizuje obaveze iz ugovora, onda slijedi stavljanje ugovora van snage i odabir novog izvođača radova.

AD-2

Izveštaj o realizaciji zaključaka sa 23. sjednice

Diskutanata po ovoj tački dnevnog reda nije bilo, pa je OV-e jednoglasno usvojilo

Izveštaj o realizaciji zaključaka sa 23. sjednice

AD-3

Prijedlog Odluke o izmjeni i dopuni Statuta Općine Ilijaš – Prečišćeni tekst

AKIF FAZLIĆ – općinski načelnik

Znate da je općina Ilijaš u programu sa UNDP, jačanje uloge mjesnih zajednica na području općine Ilijaš i ovaj prijedlog izmjena Statuta je upravo proistekao iz tog programa. Procijenili smo da realizacija ovog programa je uspješna, da je korisna. Naših šest mjesnih zajednica je aktivno uključeno u ovaj projekat i on već par godina daje jako dobre rezultate. Ono što slijedi je da se ovaj projekat završava do kraja ove godine. Produženje tog projekta je uslovljeno određenim saglasnostima, promjenama procedura u okviru lokalnih zajednica koje su uključene u taj projekat, a jedna od njih je i ova promjena vezana za naš Statut. Ona je simbolična, ovdje se uvodi pitanje načina sazivanja zbora građana - uvodi se forum građana kao novo tijelo i ta promjena suštinski ne znači ništa, ali znači implementatoru tog projekta, a to je UNDP da se naredne dvije godine može kreirati dodatno ovaj program, odnosno produžiti se i naša je procjena bila da idemo sa ovim izmjenama kako bi produžili još dvije godine realizaciju ovog projekta. Nas očekuje donošenje Kantonalnog Zakona o lokalnoj samoupravi i temeljita izmjena Statuta i tada ćemo se ozbiljno baviti Statutom kroz procedure nacrti i javnih rasprava. Sada predlažem da podržite ovu izmjenu Statuta i da omogućimo da naših šest mjesnih zajednica nastave ovaj program.

MAHIR DEVIĆ – predsjedavajući

Koja je razlika između foruma građana i zbora građana? Koje su nadležnosti foruma građana?

AKIF FAZLIĆ – općinski načelnik

Vjerovatno u suštini nema razlike, ali u formi ima. Dakle, preferira se forum, nešto vjerovatno što se na neki način udaljava od onoga što je zbor građana kao neka institucija koja do sada možda nije uspješno artikulirana kroz procedure i kroz definiranje te vrste skupa. Dakle, ovo je jedno preferiranje aktivnijeg učešća stanovnika te mjesne zajednice koje mogu kroz više vidova djelovanja artikulirati svoje interese. Dakle, zbor građana kao tijelo koje jeste za cijelu mjesnu zajednicu i forumi koji mogu biti manji i mogu pokrivati određene interesne sfere i određena područja na toj mjesnoj zajednici, kao neke grupe koje će voditi aktivnosti koje jesu vezane za tu mjesnu zajednicu.

MAHIR DEVIĆ – predsjedavajući

Koliko sam razumio, forumi bi trebali biti neka operativnija tijela unutar savjeta mjesnih zajednica. Ali ako uvodimo termin forum, koje su nadležnosti foruma u odnosu na zbor građana.

AKIF FAZLIĆ – općinski načelnik

To će se definirati u daljnjim procedurama.

ALMIR ŠPIODIĆ – vijećnik BPS-Sefer Halilović

Ono što je predsjedavajući pitao u čemu je razlika između foruma i zbora građana, želim reći da zbor građana mora imati tačno određeni broj ljudi da bi mogao punovažno imati radna tijela i punovažno donositi odluke, dok forum građana može biti 3, 5 ili 10 ljudi i nema formu zbora građana. Znači, forum može čini 2 ili više ljudi, dok zbor građana mora imati tačno određeni procenat ljudi koji stanuju na toj mjesnoj zajednici.

MAHIR DEVIĆ – predsjedavajući

I forum i zbor građana moraju imati kvorum da rade.

AKIF FAZLIĆ – općinski načelnik

Statutima mjesnih zajednica će se urediti kvorum.

MUHAMED HANDŽIĆ – vijećnik BPS-Sefer Halilović

Ja se neću baviti ovim o čemu su govorili predsjedavajući i kolega Almir Špiodić. Ovdje je interesantno da mi donosimo odluke da bi zadovoljili formu, a ne procedure. Ova Odluka nije potpuna, ovo je samo dio o njenim izmjenama i ukoliko želimo da dopunimo ovaj naš Statut sa odlukom u koju ćemo ugraditi ove forume, onda Statut mora "pretrpjeti" izmjene od člana 75. do 96. Znači, u svim članovima gdje se tretira mjesna samouprava. To je jedno i ja za ovakvu odluku neću glasati sve dok ona ne bude potpuna. Svi smo trebali pročitati i Statut i Odluku i da vidimo o čemu se ovdje radi. Drugo, ovdje pričamo o statutima mjesne zajednice, a on ne postoji. Prije deset godina je pokrenuta procedura o izradi statuta savjeta mjesnih zajednica, ali on ne postoji i nije operativan, nije stavljen u funkciju i nije potpisan niti u jednoj mjesnoj zajednici, koliko ja znam. Kada smo već kod ovog pitanja, mi smo, kao Vijeće, dali zadaću pomoćniku načelnika za opću upravu i

lokalnu samoupravu da uradi prijedlog pravilnika za provođenje izbora u mjesnim zajednicama. Izbori savjeta mjesnih zajednica su blizu, jer smo ih planirali za narednu godinu, ali ni do dan danas nismo dobili prijedlog tog pravilnika i čini mi se da ga nećemo ni dobiti do samih izbora. Trebali bi mi to imati 3-4 mjeseca prije da se pripremimo i da adekvatno odgovorimo ovom zadatku koji predstoji za narednu godinu. Dakle, ja ovu Odluku neću podržati dok ne bude potpuna. Pročitajte Statut, od člana 75. do 96. gdje se tretira mjesna samouprava, pominju se i savjeti mjesnih zajednica i trebali bi se pominjati i forumi građana kako bi ispunili formu koju je UNDP postavio pred nas. Znači, pripremite to kako treba i onda ćemo podržati ovu Odluku.

ALAN ŠERAK – vijećnik SDP-a

Dakle, ako sam dobro shvatio, izmjenama i dopunama Statuta Općine Ilijaš mi smo faktički uslovljeni po pitanju nastavka realizacije navedenog programa. Po meni, kolega Handžiću, mislim da mi kao odgovorni vijećnici ne bi trebali tek tako olako ne dozvoljavati neke stvari po pitanju razvoja općine Ilijaš, jer koliko znam, skoro svaka mjesna zajednica je imala neku korist od ovog programa. Ono što jeste sporno i tu se slažem sa vama, jest sam kvorum, gdje ćemo mi ostaviti mogućnost da mjesne zajednice same definišu u statutima kako i na koji način će one organizovati te forume i tu mora postojati nekakva nit i mi kao OV-e bi trebali da znamo kako i na koji način će se ubuduće sazivati taj forum i šta mu čini kvorum i da li su odluke foruma obavezujuće po pitanju samog savjeta mjesne zajednice. Dakle, ta informacija bi trebala doći do vijećnika, jer se bojim da ćemo doći u situaciju da tri čovjeka odlučuju o bitnim stvarima za mjesnu zajednicu, a 99% ljudi te mjesne zajednice će biti protiv toga. To je suština. Ja bih predložio predlagачu da razmotri način kako da danas ovo usvojimo sa izmjenama koje sam ja predložio.

MUHAMED HANDŽIĆ – vijećnik BPS-Sefer Halilović

Ja bih da napomenem kolegi Alanu Šeraku da ne bi ponovo bilo nejasno o čemu se ovdje radi ili da sam ja protiv ove Odluke. Dakle, Odluku svakako trebamo donijeti za vid situacije sa UNDP-om, ali ne možemo praviti lakrdiju od Statuta Općine Ilijaš. Dakle, Statut moramo urediti onako kako će biti najfunkcionalniji za rad Općinskog vijeća i ja iz tog razloga predlažem da se članovi od 75. do 96. dorade.

MIRSAD OSMANOVIĆ – vijećnik SDP-a

Naša zemlja je potpisnica Povelje o principima lokalne samouprave. Ovdje nije suština "forum" ili "ala forum". Suština je da se ljudi pitaju u loklanoj zajednici, da se napravi sistem kvalitetnog razmatranja dokumenata, da mi u OV-u ne donosimo odluke u ime jednog zaseoka. I to je suština. Biće mi drago da se donese Zakon o principima lokalne samouprave i onda ćemo morati uraditi detaljnu restauraciju Statuta Općine Ilijaš i Statuta mjesnih zajednica.

MAHIR DEVIĆ – predsjedavajući

Nije mi namjera bila da otvaram neku vrstu rasprave u koju se ovo pretvorilo, nego čisto da znamo samo put kako ovo da definišemo. Ako je uslov UNDP-a da se uvede novo radno tijelo koje se zove forum, uredu, nikada nije viška radnih tijela u mjesnim zajednicama, samo da se njegove nadležnosti i poslovi koje taj forum treba da obavlja definišu kroz neku buduću proceduru, kroz neki novi Statut i cijenim da mi ne trebamo

imati četrnaest statuta mjesnih zajednica, nego jedan jedini koji treba da se primjeni u svim mjesnim zajednicama.

RASIM ŠEHIĆ – vijećnik SDA

Ono gdje ja izražavam vrstu zabrinutosti, jest što nisu definisana do kraja ovlaštenja. Znači sam rad ovih foruma koji u jednu ruku mogu da budu para sistem rada mjesne zajednice, jer nije definisano ko osniva, koliko članova može da bude i to može da se pretvori u određene plenumi koji će biti para sistem rada mjesne zajednice. Ne smijemo ovo isključiti. Znači, može se desiti da 3,4-5 ljudi blokira sistem rada mjesne zajednice.

AKIF FAZLIĆ – općinski načelnik

Kada sam dobio ovu inicijativu od UNDP-a moj prvi stav je bio da ovo ne prihvatam. Međutim, nakon određenog vremena, kada je UNDP završio pregovore da 23 općine koliko ih je u BiH uključeno u ovaj projekat, mislim da je u tom momentu njih 18 ušlo u te procedure, što je i meni bio neki signal da se ovo sve ozbiljnije sve ovo pogleda i razmotri. Zato i jeste moj stav da i mi, Općina Ilijaš, općina sa određenim imidžom kada je u pitanju saradnja sa međunarodnim institucijama i pogotovo na ovom nekom pravcu o kojem je Mirsad Osmanović govorio, uključivanje građana, demokratizacija svega onoga, da mi nastavimo ovaj projekat. Ono što je suština u naredne dvije tog projekta jeste upravo da se ide u dograđivanje mjesnih zajednica, odnosno savjeta mjesnih zajednica i tijela u smislu da se normativno izregulištu sve te stvari. Vjerovatno da se krene od Statuta i svih drugih akata i da se iz tih šest naših mjesnih zajednica prenese na ostale naše mjesne zajednice. Ovdje neke rezerve ne stoje. Savjet mjesne zajednice saziva forme građana mjesne zajednice u cilju koordinacije. Dakle, ne može forum sam sebi dati neke ovlasti i ne može proizvesti neke stvari koje nisu u duhu našeg Statuta. Ne vidim potrebu za nekim velikim ulazom u naš Statut, ovim je sasvim dovoljno naznačeno šta je forum i dovoljno naznačeno šta treba dalje raditi, a to jesu normativni akti u okviru mjesnih zajednica i mislim da je za danas ovo dovoljno što je predloženo, idemo dalje sa u program i on će dalje razvijati sve akte u mjesnim zajednicama, a mi ćemo u međuvremenu pokrenuti donošenje Zakona o lokalnoj samoupravi u Kantonu Sarajevo i u nekom periodu ćemo doći do momenta kada će trebati naš Statut, nanovo uraditi ili napraviti neke velike izmjene kada ćemo sve ovo definirati na bazi Zakona i ovoga što će se uraditi kroz ovaj projekat sa UNDP-om.

MEHMED SMAJLOVIĆ – predsjednik Komisije za poslove mjesnih zajednica i saradnju sa drugim općinama i gradovima

Predlažem OV-u da ovu Odluku usvoji. Ja sam materijale pregledao i sasvim je dovoljno ono što je obrazloženo vezano za ovu Odluku kada je u pitanju i forum i zbor. Monitorig mjesnih zajednica od strane Komisija je u dva navrata završen. Stanje, neću reći da je haotično, činjenica je da ima ovoga što vijećnici govore i nema više izbora načelnice u mjesnim zajednicama dok se ove stvari što smo monitoringom vidjeli i procedurama koje predlaže OV-e i novim vjetrovima koji pušu ne usaglasimo, makar izbore prolongirali za još godinu dana. Nema više povratka na staro. Kada su u pitanju statuti mjesnih zajednica, Statut mjesne zajednice Mrakovo je operativan, usvojen na savjetu, na zboru i on je aktuelan i savjet se tako ponaša. Niko nije branio ni ostalim savjetima mjesnih zajednica da donesu svoje statute. Ovdje je suština da se projektom jačanja uloge mjesne zajednice ipak daje značaj mjesnoj zajednici.

MUHAMED HANDŽIĆ – vijećnik BPS-Sefer Halilović

Želim se zahvaliti Mehmedu Smajloviću i mislim da je on najkompetentniji da priča o mjesnim zajednicama, ali mi nije jasno da je stavio u funkciju Statut mjesne zajednice koji OV-e nije odobrilo, a znamo da ga usvaja savjet mjesne zajednice. Tako da mislim da i vaš Statut nije funkcionalan.

MAHIR DEVIĆ – predsjedavajući

Predlažem da ovo podržimo i neka ljudi raspravljaju u mjesnim zajednicama, a u nekom narednom periodu poraditi na ovoj legislativi oko provođenja izbora i u smislu statuta, jer je to aktivnost koja nas čeka.

Diskutanata po ovoj tački dnevnog reda više nije bilo, pa je OV-e većinom glasova donijelo

Odluku o izmjeni i dopuni Statuta Općine Ilijaš – Prečišćeni tekst

AD-4

Prijedlog Odluke o izmjeni Odluke o utvrđivanju cijene komunalne usluge – tržno – pijačnih usluga

MERIMA OSMANOVIĆ – pomoćnica načelnika

JKP "Vodostan" d.o.o. Ilijaš obratilo se sa prijedlogom za izmjene utvrđenih cijena tržno-pijačnih usluga u cilju stimulisanja rada na našoj pijaci. Zakonom o komunalnim djelatnosima Kantona Sarajevo je propisano da visinu cijena i način plaćanja komunalnih usluga predlaže davalac komunalne usluge na bazi utvrđene kalkulacije, a stvarnu cijenu komunalne usluge određuje i usvaja Općinsko vijeće. Otvaranjem pijace i njenim stavljanjem u funkciju OV-e je u mjesecu maju ove godine donijelo Odluku o utvrđivanju cijena komunalne usluge tržno-pijačnih usluga i kroz rad pijace od njenog stavljanja u funkciju od mjeseca maja pa do danas, uprava preduzeća je sagledala i izvršila analizu svih troškova koji se vezuju za rad i normalno funkcionisanje pijace i na bazi toga sačinila je i predložila novi cjenovnik. Novim cjenovnikom izvešena je korekcija cijena mjesečne rezervacije za 20% u zoni A i B. Obzirom da je na prethodnoj sjednici OV-a zaključkom naloženo Javnom komunalnom preduzeću "Vodostan" d.o.o. Ilijaš da ponovno razmotri cjenovnik, Uprava i Skupština navedenog preduzeća nakon detaljnog sagledavanja potvrđuju ranije donesenu Odluku kojom je usvojen prijedlog izmjena važećeg cjenovnika tržno-pijačnih usluga, a na osnovu kojeg je sačinjen prijedlog Odluke o izmjeni Odluke o izmjeni Odluke o utvrđivanju cijene komunalne usluge – tržno – pijačnih usluga. Predlažemo OV-u da usvoji predloženi prijedlog kako bi se podržao i ispunio zahtjev zakupoprimalaca koji koriste prostor pijace u zoni A i B.

MAHIR DEVIĆ – predsjedavajući

Na prošloj sjednici smo donijelo Zaključak da se razmotri mogućnost nekog dodatnog smanjenja ili korekcije ovih cijena pijačnih usluga koje bi za cilj i funkciju imalo poticaj i stimulaciju domaće proizvodnje, razvoj naše poljoprivredne djelatnosti itd. Zadužili smo upravljačku strukturu preduzeća JKP "Vodostan" d.o.o. Ilijaš da ovu vrstu priče razmotri i analiziraju i oni su ostali pri svom ranijem stavu. Zamolio bih direktoricu ovog preduzeća da nam nešto kaže nešto o ekonomskim parametrima, kakva je situacija na terenu, kakve

su naše cijene, koliko je to tamo održivo? Nama nije cilj da preduzeće dovodimo u neku dubiozu, ali ne moramo sada nešto specijalno zaraditi ako ćemo imati efekat da podržimo domaće proizvođače u smislu da se ta pijaca omasovi.

MUHAMED HANDŽIĆ – vijećnik BPS-Sefer Haliović

I ja sam bio jedan od inicijatora priče o kojoj predsjedavajući govori. Mi smo svjesni činjenice da tržnica ovakva kakva jeste pusta i da ne služi svrsi. Imamo sve uslove, kapacitete, ali je ne koristimo i nije nam jasno zašto je ne koristimo. Predložili smo smanjenje cijena, ali dobili smo ponovo isti materijal i ponovo isti prijedlog. Ne znam da li je bilo teško upravljačkim strukturama ovog preduzeća da ovo razmatraju ili je nešto drugo? Mislim da moramo o ovome povesti računa, jer ovo je stvar građana. Navest ću jedan primjer gdje smo na jednoj od ranijih sjednica donijeli Odluku da se za vodu građanima naplaćuje još po 2,00 KM po računu. Imamo 7.821,00 račun u 2017. godini i puta 2 KM jeste 15.64200 KM mjesečno i puta 12 mjeseci 187.704,00 KM na godišnjem nivou. Dakle, samo za one 2 KM što smo "zavukli ruke u džepove građana". Sada kada se radi o tome da smanjimo cijenu korištenja usluga tržno-pijačnog prostora, ne može, jer se kaže kao "i ovo nam je malo i odosmo u dubiozu". Ne vjerujem da se ide u toliku dubiozu, a mi smo već donekle i napravili redukciju pijace iako je ona unazad dvije godine bila jedna od najjačih pijaca na Kantonu Sarajevo, a možda poslije auto-pijace najjača. Dakle, molim direktoricu preduzeća da se nađe rješenje da ovaj prostor stavimo u funkciju s naše strane koliko mi to možemo.

MAHIR DEVIĆ – predsjedavajući (replika)

Možda ste stekli pogrešan dojam. Ja u svom izlaganju nisam stavljao nikakvu vrstu upitnika na odluke organa, upravljačkih struktura i menadžmenta ovog preduzeća, nego sam zamolio direktoricu i kompletan menadžment i upravu da nam obrazlože gdje je ta donja granica fiskalne stabilnosti i odgovornosti navedenog projekta i da do te granice idemo. Nikada nisam spreman glasati za toliko smanjenje cijena koje će dovesti taj objekat u dubiozu, pa da to kompenziramo preko nečeg drugog, ali da vidimo da nam se tačno neki parametri obrazlože. Pijaca je otvorena već nekih 5-6 mjeseci i vjerujem direktorice da već imate određeni pregled za ovaj period (šta su troškovi čišćenja, održavanja, izdavanja), šta je zarada, šta možemo smanjiti, a da je to održivo i neka smo na nuli i to treba da bude naš posao, a ne da idemo u minus. U tom smislu sam ja diskutovao tako da se ne bi pogrešno shvatili.

AKIF FAZLIĆ – općinski načelnik

Želim da podržim upravljačku strukturu i menadžment naše firme i mislim da oni najbolje znaju kada je u pitanju vođenje, predlaganje i ono što jeste tamo ekonomska politika. Nemojmo odmah ad hoc nešto osuditi neko neće, neko hoće. Uvijek postoje proračuni i vjerovatno na osnovu njih se došlo do ovog prijedloga i da ga uvažavamo kao prijedlog, a naravno sada ćemo diskutovati o njemu, možemo li ga promijeniti, šta nam je intencija, šta treba da bolje proizađe iz toga, ali da se vratim na suštinu. Zašto smo počeli graditi pijacu? Da riješimo problem i pitanje koji je ovaj grad i ova općina ima. Dakle, imali smo jednu pijacu koja nije ispunjavala niti elementarne uslove, imali smo pijacu koja je stalno donosila kazne i za firmu i za rukovodstvo te firme i imali smo nešto što vjerovatno za grad Ilijaš, u smislu onih regularnih ljudi koji su na tržištu, je bila ne lojalna konkurencija. Dakle, to je bio motiv i gradnjom ovog objekta i ove pijace smo sve to riješili. Urbanizirali

grad, napravili uvjete da se regularno tamo može raditi i radi se i naravno intencija nam je da pijaca radi svaki dan. Međutim, moramo biti svjesni da je malo općina i malo gradova gdje pijaca radi svaki dan. Znači, pitanje kapaciteta tržišta, pitanje rentabilnosti proizvođača i onih prodavača koji jesu na toj pijaci je takođe nešto što dovodi u pitanje možemo li je imati svaki dan. Naša je želja da ona bude svaki dan. Pričali smo o stimulativnom pristupu tom tamo objektu da se pijaca održava što duže u sedmici, ali sada imamo podatke da je na toj pijaci ubjedljivo najmanje proizvođača sa područja Ilijaša. Hoćemo li mi stimulirati ovim projektom i ovim cijenama proizvođače izvan općine, odnosno izvan Kantona Sarajevo, jer znamo da njih najviše dolazi izvan Kantona, tekođer trebamo kazati. Ja nisam za to da se oni stimuliraju, oni su dovoljno stimulirani što su dobili jedno tržište, izvanredne uslove rada da mogu svoje proizvode plasirati. Ovdje je moja ideja bila i nismo je do kraja razvili, a to je da stimuliramo ilijaške proizvođače, ali sada ne kroz ovu cijenu koja bi se odnijela na sve, nego kroz odluke o poticajima poljoprivredne proizvodnje i da se u tom nekom segmentu nađe prostor za naše domaće proizvođače, odnosno prodavače na toj pijaci. Zadnja rečenica i ovo jeste suština što je predsjedavajući kazao, nama pijaca treba da radi na nuli. Ne treba tu ni marka zarade, ali ne treba biti ni u minusu.

BELMA ZUKIĆ – direktorica JKP "Vodostan" d.o.o. Ilijaš

Pokušat ću na vrlo kratak način da vam objasnim koji su to momenti uticali na našu odluku kada smo se opredjeljivali na koji način da formiramo cjenovnik u smislu njegove visine i strukture. Dakle, mi smo upravljali tržnicom i pijacom i prije izgradnje ovog novog objekta imali smo iskustva takve vrste, imali smo kontakte s kupcima koji su već bili naši klijenti. Proveli smo određene ankete na terenu i istraživanja koja su nam kazala kakvu možemo strukturu, odnosno koliki broj korisnika možemo očekivati na toj tržnici. Znači, za sve nas je ovo novina i ovo je relativno kratak period da bi mogli donosti ozbiljnu analizu, zapravo koja je to prava cijena koja će držati ovu tržnicu na nuli. Ono što smo proveli u okruženju je da smo istražili koja je to recimo cijena u Konjicu, Fojnici i gradovima kao što smo mi i s kim se možemo porediti. Mi smo prikupili cjenovnike od Sarajeva, Zenice i Bijeljine gdje su konceptualno napravljeni da se apsolutno ne primjenjuju u jednoj tržnici i sa svim specifičnostima koje Ilijaš ima. Ono što nam je također bilo važno kod koncipiranja prvog cjenovnika koji je trenutno na snazi je da je taj cjenovnik realan i da bude na neki način stimulativan iz razloga da potaknemo ljude da rade svaki dan, a ne četiri dana u mjesecu kako je to praksa kod nas. To se vidi i iz Odluke koja je trenutno na snazi, jer tamo stoji da ljudi koji četiri dana i više u sedmici imaju dnevnu naknadu koja je puno, puno niža u odnosu na one koji rade svaki dan. Dakle, kada sumiramo, mjesečna naknada ljudi koji rade svaki dan je na istom nivou kao i kod onih koji rade četiri dana u sedmici. Nažalost, to nije dalo dovoljno stimulansa da rade svaki dan, jer ljudi ne žele da rade svaki dan i mi ih nismo ni na koji način mogli pridobiti na to. Oni su došli nama sa ugovorima zaključenim u Fojnici, Konjicu, dakle tamo gdje je pazarni dan i oni isključivo žele da rade ovdje subotom. To je činjenica da ta visina naknade ni u kom slučaju nije limitirajući faktor i opredjeljujući kod ljudi koliko će dana raditi u sedmici. S druge strane, mi smo nakon analize od pet mjeseci kako funkcioniše ta pijaca vidjeli koji su to stvari troškovi, kakvi su nam prihodi i evo ja sam sačinila akt i pretpostavljam da je dostavljen vijećnicima, a gospodin Handžić kaže da nismo ništa poslali, ali ja sam poslala obrazloženje i tabelu u kojoj se čak vidi i struktura ljudi koji tamo rade. Vidi se da imamo 127 zaključenih ugovora sa korisnicima, a da su samo njih 13 od tih sa sjedištem registracije u Ilijašu. Pored toga, iz ove tabele se vidi da je samo 7 ljudi koji prodaju svoje vlastite poljoprivredne proizvode. Dakle, intencija zaključka Vijeća je, koliko sam shvatila, da mi stimulišemo prodaju proizvoda naših

poljoprivrednih proizvođača. Kada pogledamo ovu tabelu vidimo da je to samo 5,5% ili samo 7 od 127 korisnika. Dakle, ne možemo ovdje govoriti da su naši poljoprivredni proizvođači. Naravno, to nije do ljudi, jer mi smo u stalnom kontaktu sa klijentima, a problem je do složene komplicirane zakonske regulative, odnosno donošenja Zakona o unutarnjoj trgovini koji je obaveza sve ljude koji prodaju na tržnici da se registruju u skladu sa tim Zakonom. Pored registracije, kada su u pitanju proizvodi animalnog porijekla, mlijeko i mliječni proizvodi, zakonska regulativa je još strožija tako da se traže i određene veterinarske dozvole, određene prerade, određeni objekti koje ljudi ni u kom slučaju nisu mogli da ispune. Znači, razlog nije cjenovnik usluga, nego zakonska regulativa koja onemogućuje ljudima da uopšte prodaju na pijaci, jer ne mogu da se registruju u skladu sa zakonskim okvirima. Nakon analize ovih 5-6 mjeseci kako pijaca radi, vidjeli smo da postoji prostora da se cijena snizi i mi smo prijedlogom predložili 20%, a da to ne ugrozi ekonomsku održivost što je cilj, ne samo ovom preduzeću, nego svima nama i vama koji ste osnivači ovog preduzeća. Ovo nije kraj, pijaca je tek zaživjela i mi želimo da pomognemo tim ljudima i da ih stimuliramo. Naš je cilj da ovi ljudi ostanu na tržnici i da eventualno pridobijemo nove.

MAHIR DEVIĆ – predsjedavajući

Inicijativa od strane OV-e imala je dobronamjernu intenciju da podržimo naše poljoprivredne proizvođače kao što ste i rekli. Mi, kao Vijeće, nismo bili informisani da imamo samo sedam naših proizvođača. Drago mi je da smo čuli sve ove podatke i bitno je da je sve ovo održivo i možda je potrebno da prođe jedna godina, pa da se onda vidi stvarno stanje.

AKIF BEŠLIJA – vijećnik SBB-a

Nije mi jasno u tabeli pod tačkom 7. korištenje rashladnih vitrina- A zona-meso i mesne prerađevine. Ovdje se radi o tome da dnevna cijena za četiri i više dana sedmično je 2,5 KM, a mjesečna cijena rezervacije je 120,00 KM. Zar ne bi mjesečna cijena trebala da bude manja, a ovdje ispadne da čovjek koji sedmično uplaćuje to izađe 70,00 KM. Ovo mi nije jasno. Trebalo bi da mjesečna cijena rezervacije bude manja.

BELMA ZUKIĆ – direktorica JKP "Vodostan" d.o.o. Ilijaš

Kada nam je pijaca predana bili smo zaduženi od strane općinskog načelnika i Vijeća da inventar kupimo u vlastitoj režiji. Kupili smo vitrine koje nisu bile ni malo jeftine, a plaćamo i struju. U ovoj cijeni mjesečne rezervacije je zapravo i ta vitrina koju oni koriste koja je naša i koju mi održavamo.

Što se tiče pitanja vezano za meso, ukoliko dva čovjeka koriste vitrinu plaćaju 120,00 KM, a ukoliko jedan, onda plaća 80,00 KM. Morali smo napraviti ovakav koncept, jer imamo ljude koji rade samo četiri dana u mjesecu.

Diskutanata po ovoj tački dnevnog reda više nije bilo, pa je OV-e većinom glasova donijelo

Odluke o izmjeni Odluke o utvrđivanju cijene komunalne usluge – tržno – pijačnih usluga

AD-5

Prijedlog Odluke o načinu i uslovima prodaje neizgrađenog građevinskog zemljišta
(k.č.br.1400/18)

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o načinu i uslovima prodaje neizgrađenog građevinskog zemljišta (k.č.br.1400/18)

AD-6

Prijedlog Rješenja iz imovinsko-pravne oblasti broj:06/1-31-2642/18

Diskutanata po ovoj tački dnevnog reda nije bilo, pa je OV-e jednoglasno donijelo

Rješenje iz imovinsko-pravne oblasti broj:06/1-31-2642/18

AD-7

Nacrt Odluka o:

- a) usvajanju izmjena i dopuna Regulacionog plana "Banovac"
- b) provođenju izmjena i dopuna Regulacionog plana "Banovac"

MELIHA AVDIBEGOVIĆ – pomoćnica načelnika

Odluku o pristupanju izradi i Izmjena i dopuna Regulacionog plana "Banovac" donijelo je Općinsko vijeće Ilijaš na sjednici održanoj 30.11.2017. godine. Kroz izradu Plana potrebno je:

- izvršiti usklađivanje planskih rješenja sa novonastalim uvjetima i potrebama koje su se pojavile u toku dosadašnje realizacije ovog planskog akta, a usljed nemogućnosti realizacije njegovih dijelova,
- stvorene obaveze u prostoru od strane nadležnih općinskih službi uvažiti kao zatečeno stanje.

Članom 11. Odluke o pristupanju izradi Plana, iz zabrane građenja izuzimaju se parcele dio k.č.144/1 i dio k.č.145/1 K.O. Ilijaš Grad u svrhu izgradnje fiskulturne sale u OŠ "Hašim Spahić", parcela dio k.č.151 i dio k.č.152 K.O. Ilijaš Grad, u svrhu rekonstrukcije trga ispred Kulturno-sportskog centra i Radio Ilijaša i dio parcele k.č.22 K.O. Ilijaš Grad u svrhu izgradnje objekta za potrebe sportko-rekreativnog centra, Gradski stadion Ilijaš.

Površina obuhvata iznosi 3,8 ha i obuhvata dijelove administrativnog teritorija općine Ilijaš. Za ovaj Plan urađene su i usvojene slijedeće korekcije:

- korekcija RP "Banovac" – izgradnja poslovnih objekata
- korekcija RP "Banovac" – izgradnja smouslužne autopraonice
- korekcija RP "Banovac" – izgradnja reciklažnog dvorišta.

Prilikom definisanja koncepta prostornog uređenja unutar predmetnog obuhvata, poštovana su usmjerenja za uređenje prostora data Smjernicama za izradu Plana. Cilj izrade Plana je usklađivanje planskih rješenja sa novonastalim uvjetima i potrebama koje su se pojavile u toku dosadašnje realizacije ovog planskog akta, a usljed nemogućnosti realizacije njegovih dijelova. Predloženim rješenjem planirana je izgradnja ukupno 32 građevine, od čega je: 10 stambenih objekata, 15 stambeno-poslovnih objekata, 2 poslovna objekta, 1 sportski objekat, te dvije garaže i jedan objekat garaže – zamjena postojećeg građevinskog fonda usljed izmjene saobraćajnog rješenja.

Idejna rješenja saobraćajne, komunalne i energetske infrastrukture biće data u vidu pojedinačnih separata koji su sastavni dio Izmjena i dopuna RP "Banovac".

AKIF FAZLIĆ – općinski načelnik

Obzirom da se radi o značajnom Regulacionom planu, o prostoru gdje je puno društvenih sadržaja i objekata, pozivamo na aktivno učešće u javnoj raspravi. Želim akcentirati pet tačaka koje su jako bitne. Prva je saobraćaj, pobjegli smo od rješenja vijadukata iznad pruge. Dakle, prolaz ispod je nešto što je i finansijski i u smislu operative i funkcije najidealnije rješenja da lociramo prugu i drugi značajan saobraćajni efekat jeste izmještanje pothodnika iz pravca Kadarića kod Elektrodistribucije čini funkciju vezanu i za industrijske zone i puno je bolje pozicioniran. Broj tri je ova saobraćajnica iznad stadiona se ukomponuje u saobraćajno rješenje ispod mosta, ispod željezničkih pruga u smislu veze za regionalni put i u smislu veze za Podlugove.

Dalje, imovinski odnosi. Često padnemo u zamku kao da imovinski odnosi nisu bitni. Međutim, oni su jako bitni i pokušali smo zadovoljiti interese onih koji imaju tu svoju imovinu.

Nadalje, ovdje ima puno društvenih objekata i kroz ovaj plan pozicionirali smo dvije fiskulturne sale, stadion, pitanje podzemnog parkinga ili garaže na Banovcu i ovdje još trebamo riješiti pitanje parkinga kod KSC-a. Predsjedavajući je dao jednu lijepu ideju i vjerovatno će je predložiti sada ili u toku javne rasprave.

Broj pet, vidjeli ste ovu šetnicu i uređenje rijeke Bosne pored Kadaričkog mosta do Gnionice. Dakle, to je pet efekata koji značajno mijenjaju postojeći regulacioni plan i unose jednu svježinu, funkcionalnost i gdje ćemo na ovom prostoru dalje širiti i razvijati i Ilijaš.

MAHIR DEVIĆ – predsjedavajući

Drago mi je da sam čuo ovih nekoliko stvari i o ovim planovima, kao OV-e, trebamo ozbiljno prodiskutovati. Trebamo usvojiti plan koji je provedben i koji će omogućiti kada ga usvojimo da ćemo u narednih 2-3 godine izgraditi ovo što usvojimo. Pitanje parkinga, izgradnjom trga naša sportska dvorana je ostala u problemu i predlagao sam načelniku da se otvori prolaz iza apoteke, odnosno između objekta KSC-a i objekta Toplana i da se uđe na postojeći stadion OŠ "Hašim Spahić" da se on pretvori u parking prostor (možda i zatvoreni parking koji bi se naplaćivao), a da igralište koje smo ukinuli se izmjesti na igralište gdje je bila zelena trava. Na taj način bi sačuvali i tu vanjsku plohu OŠ "Hašim Spahić".

Ovdje je goruće pitanje saobraćajnice koja bi trebala da poveže Podlugove sa centrom grada.

Sve treba izanalizirati i to je pitanje oko kojeg se trebamo svi složiti i pozivam da usvojimo nacrt i da se aktivno uključimo u javnu raspravu i nađemo najadekvatnije rješenje.

Što se tiče zatvorenog bazena, govorim u lično ime, pokazalo se u praksi da su to potpuno neopravdane investicije. Nerealna je priča da mi u Ilijašu možemo imati ovakvu formu bazena.

MUHAMED HANDŽIĆ - vijećnik BPS-Sefer Halilović (replika)

Vi ćete svakako usvojiti ovaj Regulacioni plan kakav god on bude, a usvojili ste i onaj koji je bio i do sada. Ja sam ovdje već osam godina i pratio sam rad i ovog i onog saziva Vijeća. Međutim, ne mogu da vjerujem da vi nama potcrtavate da mi sada pristupimo o nekom razmišljanju koje nije političko, a vi namećete političko razmišljanje i političke odluke. Ne mogu da vjerujem da se vi ne slažete sa onim što ste samo izglasali vi u prošlom usvajanju Regulacionog plana Banovac, a u njemu je bio i onaj famozni bazen kojeg je Hadžihafizbegović javno obećao da će izgraditi. Sada vidim će tamo biti urađen

čitav kompleks zgrada. Dakle, stambena izgradnja je intenzivirana na mjestima gdje su planirani društveni sadržaji, a opet nam podvlačite da mi ne bi zanemarili društvene sadržaje. Tako da kolega kada pričamo o regulacionim planovima i ovim projektima, dobro bi bilo da nam ne podvlačite ono što vi radite. Mi ćemo se uglavnom rukovoditi našom mišlju, a nikako instrukcijama koje dobivamo od nekih političkih struktura na većem nivou. Znači da smo uvijek tako i funkcionisali, barem što se tiče KV BPS-Sefer Halilovi u ovom Vijeću. Nama se to ne može podvlačiti, a ako ste mislili na nekog drugog, onda to njima recite.

MAHIR DEVIĆ – predsjedavajući (replika)

Sjećam se obećanja tadašnjeg ministra Hadžihafizbegovića za izgradnju bazena u Ilijašu i on je rekao da oni to planiraju da urade, tadašnja vlada. Ja mislim da nisam tada ni bio vijećnik, ali to i nije važno.

Mi smo glasali za taj regulacioni plan, ali on nije nikakvo sveto slovo da se ne može mijenjati. Znači, mi se ponašamo jako odgovorno i svaki dokument koji smo usvojili podrazumjeva dvotrećinsku većinu. Ja ne vidim da smo mi tu napravili bilo kakvu grešku što smo tada glasali da tu bude bazen. Mi to možemo ostaviti i u ovom planu, ali vam pričam s aspekta moje spoznaje do koje sam došao u ovih 7-8 godina kada su ti bazeni u pitanju. Oni su ekonomski ne isplativi i ne održivi i to se pokazalo na 5-6 mjesta. S tog aspekta sam ja govorio i u smislu glasanja nisam nikakvu instrukciju davao.

Nemojmo da se odnosimo na način ovo valja, a ovo ne valja, nego da se svi aktivno uključimo i vidimo šta najbolje rješenje, najekonomičnije, što će se izgraditi i da se u narednih par godina pravi.

Ovo je nacrt dokumenta i podrazumjeva da on ide u dalju proceduru.

AKIF FAZLIĆ – općinski načelnik

Ovo je nacrt dokumenta, a prošli Regulacioni plan je omogućio da se pokrenu mnoge stvari. Već sam spominjao mnoge društvene sadržaje i objekte koji su sada planirani.

Suština je saobraćajno rješenje. Znači, dominantno je saobraćajno rješenje i društveni sadržaji.

ALMIR ŠPIODIĆ – vijećnik BPS-Sefer Halilović

Ovaj Nacrt Regulacionog plana zasigurno ima svoje prednosti i mane. Prednosti su zato što ima dosta tačaka koje će unaprijediti i društveni, a i stambeni život građana. Međutim, kroz čitavu diskusiju dotičemo se teme Podlugovi, prolaz, putna komunikacija. A zašto? Zato što znamo da će najviše biti oštećeni Podlugovi. Zašto? Zato što ovaj Nacrt Regulacionog plana ako se ovakav usvoji nikada se neće moći provesti, pa ćemo ga mijenjati za 2-3 ili više godina, tako da Podlugovi sa ovim nacrtom plana neće dobiti ništa, jer se ne može realizovati. Realno se ne može realizovati zato što više nema prostora i imate privatnu imovinu, a znate kakve su procedure prilikom otkupa itd. To je jedno. Drugo, ovaj prolaz ispod željezničke pruge, ako bi mi širili taj most i dizali taj most, a znate da se mora zaustaviti željeznički saobraćaj koji funkcioniše kod nas. Mogu li se izvoditi radovi, a da vozovi prolaze i da se ponovo radi željeznički most? Smatram da mi ovaj nacrt plana, ovakav kakav jeste, ne možemo provesti.

Drugo, i ja pozivam sve ljude da se uključe u javnu raspravu oko ovog nacrtu regulacionog plana. Rješenje za Podlugove je bilo idealno put pored stadiona i ne znam zašto se to mijenjalo i da komplikujemo ono što je bilo vrlo jednostavno izvodljivo.

MAHIR DEVIĆ – predsjedavajući (replika)

Suština stvari je u sljedećem. I ja sam spreman, a i načelnika sam razumio da nam treba rješenje koje je: provodivo, funkcionalno i najjeftinije i da obuhvati ove dvije stvari: da se poveže MZ Podlugovi sa gradom Ilijašom i da se riješi pitanje regionalnog puta. To su zadati parametri u okviru kojih se možemo kretati. Ako vi kolega ili bilo ko drugi imate bolji prijedlog od ovoga, mi smo spremni u cjelosti to da prihvatimo. Nemojte da idemo iz perspektive "neće ovo biti". Hajdemo da "ovo bude". Ja prvi nikada ne bih glasao za ovo ako neće biti realizovano. Dajte drugi prijedlog i rješenje i da idemo u proceduru. Hajde da sjedemo i nađemo najbolje rješenje. To je suština ovog Vijeća i politike da se nađe i dogovori najbolje rješenje.

AKIF FAZLIĆ – općinski načelnik

Što se tiče imovinskih odnosa, bazen je bio planiran na parceli koja je privatno vlasništvo. Vi ne možete voditi postupak za bazen, ne možete kupiti zemlju ako je vlasnik neće prodati za bazen. Kada je u pitanju saobraćajna infrastruktura, cesta, javna cesta gdje je javni interes, ide eksproprijacija. Ona može potrajati malo duže, ali postoji postupak propisan do kraja. Uz sve te stvari koje su pobrojane, koje su dobro rješenje kako je dato, postoji i četvrto zato što čitav pojas oko stadiona nam ostaje za potrebe gradskog sportskog centra, a na ovaj način najmanje umanjujemo taj prostor.

Neka se još raspravi o ovome i ako se pojavi ideja, alternativa ili da treba neka pješačka staza, uža staza, mi jesmo tu da donesemo ono što nam je najbolje, ali moramo poštivati prvo prioritete zadane elemente, zadane ciljeve po prioritetu jedan, dva, tri itd.

ALMIR ŠPIODIĆ – vijećnik BPS-Sefer Halilović (replika)

Uvaženi kolega, mi pričamo o nacrtu plana i tražite od nas da to sve prodiskutujemo. Ovdje ima još ljudi koji imaju dodirnih tačaka sa Podlugovima i očekujem da se svi uključimo i nađemo najbolje rješenje. Ja nisam rekao da sam najpametniji, ali isto tako moje subjektivno mišljenje, nekoga ko nije stručan, mislim da je put pored stadiona, rješenje koje smo već imali, put pored stadiona za ulaz u Podlugove najbolje rješenje. To je moje subjektivno mišljenje kao nekoga ko nije stručan. Neka struka opet kaže svoje. S moje tačke gledišta to je ekonomski opravdano i da je realno izvodivo u odnosu na sada ponuđene saobraćajnice. Volio bih da se i drugi uključe, ali evo bit će javna rasprava na koju treba da se svi građani uključe i kažu svoje mišljenje.

AKIF FAZLIĆ – općinski načelnik

Niko ne bježi od toga da nađemo najbolje rješenje za sve.

MAHIR DEVIĆ – predsjedavajući

Hajde da mi podržimo proceduru neka ide, pa ćemo diskutovati kroz javnu raspravu. Neka se ponude 2-3 rješenja, pa neka nam struka kaže koje je najbolje. Znači da pokrenemo proceduru, da ne odgađamo ovu tačku dnevnog reda.

Diskutanata po ovoj tački dnevnog reda više nije bilo, pa je OV-e većinom glasova donijelo

ZAKLJUČAK

1. Utvrđuje se Nacrt Odluke o usvajanju Izmjene i dopune Regulacionog plana "Banovac", Nacrt Odluke o provođenju Izmjene i dopune Regulacionog plana "Banovac".
2. Javni uvid na Nacrt Odluke o usvajanju Izmjene i dopune Regulacionog plana "Banovac", Nacrt Odluke o provođenju Izmjene i dopune Regulacionog plana "Banovac" održan će biti u periodu od 09.11.2018. do 10.12.2018. godine u maloj sali općine Ilijaš II sprat, a Javna rasprava na Nacrt Odluke o usvajanju Izmjene i dopune Regulacionog plana "Banovac", Nacrt Odluke o provođenju Izmjene i dopune Regulacionog plana "Banovac" održat će se 11. decembra (utorak) 2018. godine u velikoj sali Općine Ilijaš (III sprat) sa početkom u 14:30 h.
3. Primjedbe, prijedlozi, sugestije i mišljenja svih zainteresovanih subjekata planiranja, MZ-a, potencijalnih investitora, građana, vijećnika Općinskog vijeća Ilijaš dostavljaju se Općini Ilijaš, Službi za prostorno uređenje i zaštitu okoliša, koja organizuje i sprovodi javnu raspravu.
4. Služba za prostorno uređenje i zaštitu okoliša dužna je nakon sprovedene javne rasprave da podnese izvještaj Općinskom vijeću Ilijaš, o rezultatima Javne rasprave koji sadrži primjedbe, prijedloge i mišljenja kao i da obrazloži razloge zbog kojih pojedine primjedbe, prijedlozi i mišljenja nisu prihvaćeni.

AD-8

Informacija o uspjehu učenika osnovnih i srednjih škola u učenju i odgoju u školskoj 2017/2018. godini

Diskutanata po ovoj tački dnevnog reda nije bilo, pa je OV-e primilo k znanju

Informaciju o uspjehu učenika osnovnih i srednjih škola u učenju i odgoju u školskoj 2017/2018. godini

Nakon što je iscrpljen dnevni red, zamjenik predsjedavajućeg Alen Hasković zaključio je dvadesetčetvrtu sjednicu OV-a Ilijaš u 12:05h.

Zapisničar:
Maida Habibović

ZAMJENIK PREDSEDVAJUĆEG
OPĆINSKOG VIJEĆA ILIJAŠ

Alen Hasković, MA šum.

Ul. 126. ilijaške brigade br. 6, 71380 Ilijaš
Tel. ++387 33 580-620, 580-698, fax. 400-505,
Transakcijski račun kod VAKUFSKE BANKE,d.d. Sarajevo:160200000710645
e-mail ov@ilijas.ba
certifikat:CRO20063Q

